

SANITÉ: L'ofize dla Repartiziun Prestaziuns (Ex-Krankenkasse) tl Distret Sozio-Sanitar a Picolin mèt man cun l'orar da d' isté 2019. L'ofize é davert dai 15 de jügn inant cina ai 15 de setëmbër ma plü lönesc, dedemesaledema y vëndres dales 09.30 ales 12.45. L'orar por le sorvisc da tó jö sanch, resta le medemo co denant: lönesc, dedemesaledema y vëndres dales 7.35 ales 8.30.

SAN MARTIN Y LUNGIARÜ

“Le Vangele sciöche fontana de liberté, pesc y amur” chësc è le tema ch'i podun partí cun Christian Ferdigg en lönesc, ai 17 de jügn, dales 20.00 a Oies. Düc é bel inviá da tó pert al referat cun discusciun por capí le vangele te nosta vita da vigni de.

Les schires joniles y i ministranc dla Val Badia organisëia adöm cun le Sorvisc ai Joggn ince en chësc isté la FESTA DI MITUNS a San Martin, en dedolönesc, ai 9 de messé. Al vëgn chirí voluntars che dëida en chësc de: te ciasadafüch, da romené jö mësés, da pastelné, pro val' jüc o tl ciantun creatif. Al é la poscibilité da daidé döt le de (9.00-16.30) o ince ma mez le de (danmisdé o domisdé). Vigni aiüt é begnodü. Präibel lascësse adintëne pro Dennis 346 95 70 357 cina le vëndres, ai 28 de jügn. N gran dilan a düc chi che se mèt a desposiziun!

Al vëgn ciamó n iade recordé da sotescri la destinaziun dl 8 pormile ala Dlijia Catolica. Chisc scioldí vëgn adorá por le paiamënt di proi, por la Caritas, por la costruziun de fabricac tles ploanes, por sorvisc pastora, por aiüc ales Misciuns y por aiüc tl caje de catastrofes y d'ater.

Cun osta sotescriziun sön la detlaraziun dl davagn y söl mod. CU (Cert. Unica) podëise destiné l'8 pormile dles cutes paiades ite ala Dlijia Catolica. Cun na secunda sotescriziun podëise destiné le 5 pormile dles cutes paiades ite a istituziuns y assoziaziuns religiozes y soziales de nosta diozeja. Chi che ne dá jö degöna detlaraziun dl davagn (por ejëmpl: i pensioná) pó fá la destinaziun implin fora y sotescrion le formular ch'i ciafëis te na lada apé de dlijia. Präibel sotescriede sot ala usc „Chiesa Cattolica“ y apé dl formular.

Tolede ince l'ocajun dla destinaziun dl 5 pormile sotescrion y don dant le codesc fiscal dla istituziun o assoziaziun ch'i orëis.

Chësc formular sëise spo bel peria da mète tla lada apé de dlijia. Al sará la ploania che fistidiará da le mené inant por posta.

Dales prozesciuns d'Les Antlés y dl Cör de Gejú désson ciaré ch'al vëgnes ince dit paternostri (vigni tant n grup) y ch'al nen sides de chi che dij dant.

Le Ploan

Cëna dal Morná tla Val di Morins: en vëndres, ai 21 de jügn, dales 18.00 inant, orunse festejë adöm le de plü lunch dl ann pro n bun gote tla Val di Morins. Aperitifs y derzades ariqná ca cun amur dai ostis de paisc cun produc locai. Intrategnimënt cun musiq da ví y poscibilité da odëi i morins che majena. La manifestaziun vëgn desdita sc'al è bur tēp.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

16.06. – 23.06.19 nr. 29

ultimo termo por comunicaziuns: jöbia dales 20.00

radio: 90,40 / 93,70

FESTA DLA TRINITÉ

Vangele do Jan 16,12-15

Te chël tēp à Gejú dit a sù discepu: I à ciamò tröp da ves di, mo sēgn ne sëise nia bugn da portè na te' ciaria.

Mo canch'al vëgn ël, le Spirit dla verité, ves condejaral ite te dōta la verité.

Deache al ne baiará nia fora de sè instës, mo al dijarà ci che ël alda, y ves incundará ci che gnará.

Ël me glorificarà;

deache al tolarà de ci che é mi

y ves l'incundará.

Döt, ci che le Pere à, é mi;

porchël ài dit:

Al tol de ci che é mi y ves l'incundará.



Cun le sēgn dla crusc metunse man le de, les oraziuns y les zelebrazions de dlijia. Y ince incö s'unse indö signé dër cosciëntamënter.

La Trinité de Dî resta bëgn n mister, mo i podun la sintí:

- tla bunté y tl amur dl Pere da chël ch'al pëia ia dōta la vita

- tl'amizizia dl Fi che s'á mostré l'amur de Dî y che s'á dé ia deplëgn por nos

- tla dinamica dl Spirit Sant, che nes motivëia y nes animëia, che nes porta y nes incorajëia da vire te n raport trinitar cun le creatur, cun la jënt incër nos ia y cun nos instësc.

Se dunse cunt che le sēgn dla crusc n'é nia ma na audanza devota, mo la realté de nosta vita da cristians?

Deache la grazia de Gejú é bele te nos,

l'amur de Dî Pere operëia bele te nos

y la uniun tl Spirit Sant sunse nos:

tla Dlijia y tla comunité di cristians che é chiló abiná y che vir deboriada.

I s'un abiné incö chiló a festejë le mister plü sot de nosta fede:

la Trinité de Chël Bel Dî.

	SAN MARTIN	LUNGIARÜ	
16.06.19 DOMËNIA DLA TRINITÉ	9.00 Corona por i defunc Pire Ploner y Sepl Trebo 9.30 Gran Mëssa dla Comunité 13.30 Prozesciun sö La Crusc dala Cialciara demez	7.55 Corona 8.15 Gran Mëssa dla Comunité 11.00 Bato de Julian Pedratscher	I conescëis sigü chësta parora de Dî: „I viará amesa i israelic y ne tralasciará nia mi popul.“ „I ó abité danter ëi y jí impara.“
17.06.19 Lönesc Rainer, Adolf			I credënc, tambëgn iüdes co cristians, á podü sintí te súa storia: Sce Chël Bel Dî abitéia pro nos, spo se müda l’ambiënt y la vita. Spo podunse y messunse vire en pesc, spo formunse na dërta comunité y ciarun da se gní cun düc.
18.06.19 Dedolönesc Felize, Simplize	19.30 Mëssa por familia de Paul Pedevilla + Maria Baldissera		Al stá a nos da somié cun Chël Bel Dî, so som y dejier do n monn miú y nü. Spo s’intenarunse: „Idî vir veramënter amesa nos.“
19.06.19 Dedemesaledema Romuald, Elisabeth, Iuliana	19.30 Sentada dla Uniun di Ëi	7.30 Mëssa dl ann + Sabina Clara	
20.06.19 Jöbia Adalbert, Margareta	7.30 Mëssa 3ª de sopoltöra de + Sepl Trebo + Sepl Verginer, Lipo + + Tolpeit, Ju Corona por vocaziuns		
21.06.19 Vëndres Alvije da Gonzaga, Alban	18.30 Adoraziun chîta y confesciuns 19.00 Adoraziun deboriada	7.30 Mëssa + + Iustina y Germano Moling	
22.06.19 Sabeda Paulin, John Fisher y Thomas Morus Confesciuns sö Oies 16.30 – 18.00	15.30 Mëssa tla Ciasa de Palsa 18.30 Mëssa prefestia + Berta Kofler de Cassiano + Giovanni Flöss y familia + Rinaldo Costabiei	20.00 Mëssa prefestia + + Casper y Lidia Clara	
23.06.19 FESTA DLES ANTLÉS	7.45 Corona eucaristica 8.15 Mëssa solëna dla Comunité degöna prozesciun	9.00 Corona 9.30 Mëssa solëna dla Comunité Prozesciun eucaristica cun dui vangeli	
 Le Sëgn dla Crusc: <i>I podunigné i mituns y i podun ince seigné un l’ater:</i> <i>Tl inom dl Pere che t’á cherié y dl Fi che t’á salvé y dl Sprit Sant che t’á santifiché.</i>  Te súa vita söla tera â Gejú incundé: „Idî ó vire amesa nos.“ Da Gejú â la jënt imparé: „Idî vir te nüsc cörs.“ Dantadöt él spo sté l’apostul Paul che â sintí y incundé: „Nos sun tẽmpl de Dî. Te nos vir so Spirit.“			